

13 января отдание праздника Рождества Христова

Вечерня

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь. Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедр Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище заяцем. Сотворил еси луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с

13 января отдание праздника Рождества Христова

великими, тамо кораблі преплавают, змий сей, егоже создал еси ругаться ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благодати, отвращу же Тебе лице, возмнутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновши лице земли. Буди слава Господня во веки, возвеселится Господь о делах Своих, призирая на землю, и творяи ю трястися, прикасайся горам, и дымятся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь. Аллилуиа, аллилуиа, аллилуиа, слава Тебе Боже *(трижды)*.

Ектения великая

Диакон: Миром Господу помолимся.

Лик: Господи, помилуй. *(на каждое прошение)*

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Лик: Аминь.

Стихиры на «Господи, возвах»

Канонарх: Глас 2, Господи, возвах к Тебе, услыши мя.

Лик: Господи, возвах к Тебе, услыши мя./ Услыши мя, Господи./ Господи, возвах к Тебе, услыши мя:/ вонми гласу моления моего,/ внегда возвати ми к Тебе.// Услыши мя, Господи.

13 января отдание праздника Рождества Христова

Да исправится молитва моя,/ яко кадило пред Тобою,/
воздеяние рукú мою/ жертва вечерняя. // Услыши мя,
Господи.

отдания праздника Рождества Христова на 6

На 6, стих: Аще беззакония назириши, Господи, Господи, кто постоит? /
Яко у Тебе очищение есть.

Приидите, возрадуемся Господеви, настоящую тайну
сказующе:/ средостение градежа разрушися,/ пламенное
оружие плещи даёт,/ и Херувим отступает от древа жизни,/
и аз райския пищи причащаюся,/ от негоже произгнан бых
преслушания ради;/ неизменный бо образ Отець,/ образ
присносущия Его,/ зрак раба приемлет,/ от
Неискусобрачныя Матере прошед,/ не преложение
претерпев,/ еже бо бе пребысть, Бог Сый истинен,/ и еже
не бе прият, Человек быв Человеколюбия ради./ Тому
возопийм:// рождейся от Девы Боже, помилуй нас.

Стих: Имене ради Твоего потерпех Тя, Господи, потерпé душа моя в слово
Твое, /

упова душа моя на Господа.

Приидите, возрадуемся Господеви, настоящую тайну ска-
зующе:/ средостение градежа разрушися,/ пламенное
оружие плещи даёт,/ и Херувим отступает от древа жизни,/
и аз райския пищи причащаюся,/ от негоже произгнан бых
преслушания ради;/ неизменный бо образ Отець,/ образ
присносущия Его,/ зрак раба приемлет,/ от Неискусобрач-
ныя Матере прошед,/ не преложение претерпев,/ еже бо бе

13 января отдание праздника Рождества Христова

пребысть, Бог Сый истинен,/ и еже не бе прият, Человек
быв Человеколюбия ради./ Тому возопийм:// рождётся от
Девы Бóже, помилуй нас.

На 4, стих: От стражи утренния до нощи, от стражи утренния, /
да уповаёт Израиль на Гóспода.

Гóсподу Иисýсу рóждшуся от Святýя Девы,/
просветишася всяческая:/ пастырем бо свиряющим и
волхвóм поклоняющимся,/ Ангелом воспевающим, Ёрод
мятjшеся,/ яко Бог во плóти явiся, // Спас душ нáших.

Стих: Яко у Гóспода мiлость, и многое у Него избавление, /
и Той избáвит Израиля от всéх беззакóний его́.

Гóсподу Иисýсу рóждшуся от Святýя Девы,/
просветишася всяческая:/ пастырем бо свиряющим и
волхвóм поклоняющимся,/ Ангелом воспевающим, Ёрод
мятjшеся,/ яко Бог во плóти явiся, // Спас душ нáших.

На 2, стих: Хвалите Гóспода всi язýцы, /
похвалите Его́ всi лю́дие.

Цáрство Твое́, Христé Бóже,/ Цáрство всех векóв,/ и
Владýчество Твое́ во всяком рóде и рóде,/ воплотiвыйся
от Дýха Святáго/ и от Приснодевы Марии
вочеловечивыйся,/ свет нам возсия, Христé Бóже,/ Твое́
пришествие;/ Свет от Свёта, Отчее сияние,/ всю тварь
просветил еси́,/ всякое дыхáние хвалит Тя./ Óбраз слáвы
Отчия,/ Сый,и прёжде Сый, // и возсиявый от Девы, Бóже,
помилуй нас.

13 января отдание праздника Рождества Христова

Стих: Яко утвердїся мїлость Его на нас, /
и истина Господня пребываает во век.

Что Тебѣ принесем, Христѣ, / яко явился еси на земли / яко
Человек нас ради? / Каяждо бо от Тебѣ бывших тварей
благодарение Тебѣ приносит: / Ангели – пение; небеса –
звездѹ; / волсви – дары; пастьерие – чудо; / земля – вертеп;
пустыня – ясли; / мы же – Матерь Деву. // Иже прежде век,
Боже, помилуй нас.

Слава и ныне глас 2: Слава Отцѹ, и Сыну, и Святому Дѹху.
и ныне, и присно, и во веки веков. Аминь.

Августу единачальствующу на земли, / многоначалие
человеков преста; / и Тебѣ вочеловечшуся от Чистыя, /
многобожие идолов упразднися, / под едином царством
мирским гради быша, / и во Едино Владычество Божества
языцы вероваша. / Написахася людие повелением
кесаревым, / написахомся, вернии, Именем Божества, /
Тебѣ, вочеловечшагося Бога нашего. // Велия Твоя
милость, Господи, слава Тебѣ.

Вечерняя песнь Сыну Божию

Свете Тихий святїя славы, / Безсмертнаго, Отца Небеснаго, / Святаго
Блаженнаго, Иисусе Христѣ. / Пришедше на запад солнца, / видевше свет
вечерний, / поем Отца, Сына и Святаго Дѹха, Бога. / Достойн еси во вся
времена / пет быти гласы преподобными, / Сыне Божий, живот дай, /
темже мир Тя славит.

Диакон: Вонмем.

Священник: Мир всем.

Лик: И дѹхови твоемѹ.

13 января отдание праздника Рождества Христова

Прокимен

В понедельник вечера, глас 4:

Диакон: Премудрость. Воннем. Прокимен, глас 4.

Господь услышит мя, / внегда возвати ми к Немю.

Лик: Господь услышит мя, / внегда возвати ми к Немю.

Диакон: Внегда призвати ми, услыша мя Бог правды моея.

Лик: Господь услышит мя, / внегда возвати ми к Немю.

Диакон: Господь услышит мя

Лик: Внегда возвати ми к Немю.

В понедельник вечера. Глас 4

Гос_подь услышит мя внег_да воз_зва - ти ми к .Не_му.

Молитва при наступлении вечера

Чтец: Сподоби, Господи, в вечер сей без греха сохранитися нам. /
Благословен еси, Господи Боже отец наших, / и хвально и прославлено
имя Твое во веки, аминь. /

Буди, Господи, милость Твоя на нас, якоже уповахом на Тя. / Благосло-
вен еси, Господи, научи мя оправданием Твоим. / Благословен еси, Вла-
дыко, вразуми мя оправданием Твоим. / Благословен еси, Святыи, про-
свети мя оправдании Твоими. /

Господи, милость Твоя во век, дел руку Твоею не презри. / Тебе подо-
бает хвала. Тебе подобает пение, / Тебе слава подобает, Отцу и Сыну и
Святому Духу, / ныне и присно и во веки веков. Аминь.

Ектения просительная

Диакон: Исполним вечернюю молитву нашу Господеви.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

13 января отдание праздника Рождества Христова

Диакон: Вѣчера всего́ соверше́нна, свѣта, ми́рна и безгрѣшна у Го́спода прѡсим.

Лик: Пода́й, Го́споди. *(на каждое прошение)*

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Мари́ю со все́ми свѣты́ми помяну́вше, са́ми себѣ и друг дру́га, и весь живѡ́т наш Христу́ Бо́гу преда́дим.

Лик: Тебе́, Го́споди.

Священник: Яко́ благ и человеколю́бец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прѣсно, и во ве́ки веко́в.

Лик: Ами́нь.

Священник: Ми́р всем.

Лик: И ду́хови тво́ему.

Диакон: Главы́ на́ша Го́сподеви прикло́ним.

Лик: Тебе́, Го́споди.

Священник: Буди́ держа́ва Ца́рствия Тво́его́ благослове́на и препросла́влена, Отца́, и Сы́на, и Свята́го Ду́ха, ны́не и прѣсно, и во ве́ки веко́в.

Лик: Ами́нь.

Стихиры на стиховне

отдания праздника Рождества Христова на 3

Канонарх: Глас 2, Вѣлие и пресла́вное чу́до соверши́ся днесь
Вѣлие и пресла́вное чу́до соверши́ся днесь:/ Де́ва ра-
жда́ет, и утроба́ не истлева́ет,/ Сло́во воплоща́ется и Отца́
не отлуча́ется,/ А́нгели с па́стырьми сла́вят,/ и мы с ни́ми
вопи́ем:// сла́ва в Вы́шних Бо́гу, и на земли́ мир.

Стих: Из чре́ва прѣжде денни́цы роди́х Тя, /
кля́тся Господь и не расќаётся.

13 января отдание праздника Рождества Христова

Днесь раждает Дѣва Творца́ всех,/ Едемъ принѳсит вертѣп,/ и звезда́ показует Христа́ со́лнца сущим во тьме;/ с дѳры волсвѣ́ поклонѣшася,/ вѣрою просвещѳеми,/ и пѳстырие видѣша чѣдо,/ Ангеломъ воспѣваѳщим и глаголющим:// слава в Вѣ́шних Бѳгу.

Стих: Рече́ Господь Гѳсподеви моему́: /

седи́ одесну́ю Мене́.

Гѳсподу Иисѣ́су рѳждшуся в Вифлеѣме Иудѣ́йстем,/ от востѳк прише́дше, волсвѣ́/ поклонѣшася Бѳгу вочеловѣчшуся/ и, сокровища́ своя́ усѣ́рдно отвѣ́рзше,/ дѳры честны́я приноша́ху:/ искуше́но злато, я́ко Царю́ веко́в;/ и лива́н, я́ко Бѳгу всех;/ я́ко тридне́вному же мертвецѣ́, смѣ́рну Безсмѣ́ртному./ Все́ язы́цы, приидѣ́те, поклонѣ́мся рѳждшемуся// спасти́ ду́ши на́ша.

Слава глас 4:

Слава Отцу́, и Сы́ну, и Свято́му Ду́ху.

Весели́ся, Иерусали́ме,/ торжествуйте, все́, лю́бящии Сиѳна:/ днесь вре́менный разрешѣ́ся соѣ́з осужде́ния Ада́мова./ Рай нам отвѣ́рзся./ Змий упраздни́ся,/ ю́же бо прельсти́ пѣ́рвее,/ ны́не узре́ Содѣ́телеву бѣ́вшу Ма́терь./ О, глубина́ богѳтства, и премѣ́дрости, и ра́зума Бѳжия!/ Я́же исходѳтаивши смерть все́й плѳти, грехѳвный сосѣ́д/ спасѣ́ния нача́ло бысть ми́ру все́му Богоро́дицы ра́ди./ Младѣ́нец бо раждѳется из Неѣ́ Всесовершенство́ный Бог,/ и Рождество́м дѣ́вство печѳтствует,/ пленѣ́цы грехѳвныя разрешѳая́й пелена́ми,/ и младѣ́нства ра́ди Ё́вины врачует я́же в печѳлех болѣ́зни;/ да ликовствует ѣ́бо вся тварь и да

13 января отдание праздника Рождества Христова

играет, // обновити бо ю прииде Христос и спасти души наша.

И ныне глас 4:

И ныне, и присно, и во веки веков. Аминь.

В вертеп вселился еси, Христе Боже, / ясли Тя восприяша, / пастырие же и волсви поклоняшася. / Тогда убо пророческая исполнися проповедь, / и Ангельския силы дивляхуся, вопиюще и глаголюще: // слава схождение Твоему, Единому Человеколюбче.

Молитва святого Симеона Богоприимца

Чтец: Ныне отпускаеши раба Твоего, Владыко, / по глаголу Твоему с миром: / яко видеста очи мои спасение Твое, / еже еси уготовал пред лицем всех людей, / свет во откровение языков, / и славу людей Твоих Израиля.

Святый Боже, Святый Крепкий, Святый Безсмертный, помилуй нас *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святого Духа, ныне и присно, и во веки веков.

Лик: Аминь.

13 января отдание праздника Рождества Христова

Тропари

Тропа́рь Рожде́ствá Христо́ва, глас 4.

Рождество́ Твое́, Христе́ Бо́же наш,/ возсия́ ми́рови свет
ра́зума:/ в нем бо звезда́м служа́щи/ звездо́ю уча́хуся/ Те-
бе́ кла́няются, Со́лнцу Пра́вды,/ и Тебе́ ве́дети с высоты́
восто́ка.// Го́споди, сла́ва Тебе́.

Сугубая ектения

Диакон: Помілуй нас, Бо́же, по вели́цей мілости Твое́й, мо́лим Ти ся,
услы́ши и помілуй.

Лик: Го́споди, помілуй (*трижды*).

Диакон: Ещѣ мо́лимся о Вели́ком Господинѣ и Отцѣ нашѣм Святе́йшем Патри́архе Кири́лле, и всей
во Христе́ бра́тии нашей.

Лик: Го́споди, помілуй (*трижды*). (*на каждое прошение*)

Священник: Яко́ Милостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свя-
то́му Ду́ху, ны́не и прісно и во ве́ки веко́в.

Лик: Ами́нь.

Диакон: Премудро́сть.

Лик: Благосло́ві.

Священник: Сый благосло́вен Христос́ Бог наш, всегда́, ны́не и прісно и во
ве́ки веко́в.

Лик: Ами́нь. Утверди́, Бо́же,/ святу́ю правосла́вную ве́ру,
правосла́вных христиа́н/ во век ве́ка.

Священник: Пресвята́я Богоро́дице, спаси́ нас.

Лик: Честне́йшую Херуві́м и сла́внейшую без сравне́ния
Серафі́м, без ислѣ́ния Бо́га Сло́ва ро́ждшую, су́щую
Богоро́дицу Тя велича́ем.

Священник: Сла́ва Тебе́, Христе́ Бо́же, упова́ние наше, сла́ва Тебе́.

13 января отдание праздника Рождества Христова

Лик: Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь. Го́споди, помѣлуй (*трижды*). Благо-словѣ́. (илиВлыдыко, благослови)

Священник глаголет Отпуст

Иже в вертепе родивыйся, и в яслех возлегий, нашего ради спасения, Христос Истинный Бог наш, молитвами Пречистой Своей Матере, и всех святых, помилует и спасет нас, яко Благ и Человеколюбец.

Многолетие

Лик: Вели́каго господѣна и отца́ нашего Кири́лла,/ Святе́йшаго Патри́арха Моско́вскаго и всея́ Ру́си,/ богохранѣмую страну́ нашу Росси́йскую,/ настоя́теля, бра́тию и прихо́жан свята́го хра́ма сего́,/ и вся правосла́вныя христи́аны,// Го́споди, сохрани́ их на мно́гая лѣта.